

Na osnovu člana 18. stav (1) tačke a) Zakona o Univerzitetu u Tuzli („Službene novine Tuzlanskog kantona“ broj: 9/08, 8/10 i 7/11) i člana 72. stav (1) tačka c) Statuta Univerziteta u Tuzli (Prečišćeni tekst), Upravni odbor Univerziteta u Tuzli na sjednici održanoj 24.09.2013.godine donio je

ODLUKU o utvrđivanju normativa potrošnje goriva za službena putnička vozila

Član 1.

Odlukom o utvrđivanju normativa potrošnje goriva za službena putnička vozila (u daljem tekstu: Odluka) utvrđuju se cilj utvrđivanja normativa potrošnje goriva, kriteriji za utvrđivanje normativa potrošnje goriva, dozvoljena potrošnja goriva za pojedina službena putnička vozila, kao i praćenje i izvještavanje o potrošnji goriva za svako pojedino službeno putničko vozilo Univerziteta u Tuzli (u daljem tekstu: službeno vozilo).

Član 2.

Službena vozila koriste se na način i pod uvjetima koji su propisani Pravilnikom o uslovima i načinu korištenja službenih putničkih vozila i utroška goriva na Univerzitetu u Tuzli broj: 04-3775-5/08 od 20.05.2008. godine (u daljem tekstu: Pravilnik).

Cilj utvrđivanja normativa potrošnje goriva za službena vozila jeste praćenje potrošnje goriva po svakom službenom vozilu pojedinačno, kako bi se omogućilo efikasno i racionalno korištenje budžetskih sredstava i preduprijedile eventualne nepravilnosti i propusti u korištenju tih sredstava.

Član 3.

Normativ potrošnje goriva službenih vozila utvrđuje se prema slijedećim kriterijima:

- godina proizvodnje službenog vozila;
- marka i tip službenog vozila;
- vrsta goriva;
- uslovi vožnje (gradska vožnja, vožnja na otvorenom putu, vremenske prilike);
- opterećenost vozila (broj osoba koje se voze u službenom vozilu);
- klimatizacija službenog vozila;
- rad službenog vozila u leru.

Član 4.

Pod normativom potrošnje goriva službenog vozila podrazumijeva se utvrđivanje potrošnje goriva na pređenih 100 kilometara u odnosu na nasutu količinu goriva primjenom kriterija iz člana 3. ove Odluke.

Član 5.

Za službena vozila Univerziteta, a u skladu sa kriterijima iz člana 3. ove Odluke, utvrđuju se normativi potrošnje goriva kako slijedi:

R.B.	Vrsta vozila	Registarske oznake	Godina proizvodnje	Prosječna potrošnja lit/100 km
1.	Audi A4 1.9 TDI quattro	T57-J-902	2003.	7 - 9
2.	Renault JD-T28 kombi	344-A-722	1998.	10 - 13
3.	VW T5 kombi 2.5 TDI PD	794-K-909	2004.	9 - 12
4.	Citroen berliongo II FG 1.9D	103-J-646	2004.	8 - 10
5.	Škoda felicija LX 1.9 D	771-E-514	1999.	8 - 10
6.	Škoda felicija LX 1.9 D	E58-M-691	1999.	8 - 10
7.	Opel vektra GL 1,6	056-E-646	1998.	8 - 10

Član 6.

Zaposlenik Tehničke službe, kojeg odredi šef te Službe, dužan je vršiti kontrolu potrošnje goriva na način utvrđen u članu 16. Pravilnika.

Na osnovu izvršene kontrole potrošnje goriva zaposlenik iz prethodnog stava dužan je, da 10-og u mjesecu za prethodni mjesec, sačiniti mjesečni izvještaj o potrošnji goriva za svako službeno vozilo i isti dostaviti šefu Tehničke službe.

Član 7.

U slučaju da šef Tehničke službe na osnovu mjesečnog izvještaja o potrošnji goriva iz prethodnog člana ove Odluke, utvrdi da je za određeno službeno vozilo potrošnja goriva u obračunskom mjesecu bila neopravdano veća od dozvoljene potrošnje utvrđene normativima iz člana 5. ove Odluke, dostavit će Ekonomsko-finansijskoj službi podatke o tom službenom vozilu kao i podatke o vozaču, odnosno drugom ovlaštenom licu koje je upravljalo službenim vozilom u obračunskom mjesecu.

Podatke iz prethodnog stava ovog člana šef Tehničke službe dužan je dostaviti do 15-og u mjesecu za prethodni mjesec.

Član 8.

Za svako neopravdano prekoračenje potrošnje goriva vršit će se obustavljanje od plaće vozača, odnosno drugog ovlaštenog lica koje je upravljalo službenim vozilom, a na osnovu pojedinačno izdatog rješenja.

Pojedinačnim rješenjem iz prethodnog stava ovog člana iznos sredstava koji će se obustaviti od plaće zbog prekoračenja potrošnje goriva utvrdit će se na način što će se broj litara odgovarajućeg goriva koji je potrošen iznad normativa utvrđenih u članu 5. ove Odluke, pomnožiti sa cijenom litra tog goriva koja je, kod odabranog dobavljača, važila u periodu upravljanja službenim vozilom.

U slučaju da je u obračunskom mjesecu istim službenim vozilom upravljalo više vozača, odnosno drugih ovlaštenih lica, a da se pri tome ne može utvrditi prekoračenja potrošnje goriva svakog od njih, ukupno obračunati iznos sredstava na ime neopravdanog prekoračenja potrošnje goriva dijeli se na jednake dijelove.

Član 9.

Šef Tehničke službe, a na bazi sačinjenih mjesečnih izvještaja o potrošnji goriva iz stava 2. člana 6. ove Odluke, dužan je do 20-og januara tekuće godine sačiniti izvještaj za prethodnu godinu koji će sadržavati slijedeće podatke:

- ukupno potrošenu količinu goriva po svakom službenom vozilu,
- ukupnu pređenu kilometražu po svakom službenom vozilu,
- prosječnu potrošnju goriva po svakom službenom vozilu,
- ukupnu potrošenu količinu goriva na nivou Univerziteta,
- ukupnu pređenu kilometražu na nivou Univerziteta,
- prosječnu potrošnju goriva po službenom vozilu na nivou Univerziteta.

Godišnji izvještaj iz stava (1) ovog člana, podnosi se RektorU Univerziteta.

Član 10.

Ova Odluka stupa na snagu danom donošenja.

UNIVERZITET U TUZLI

Upravni odbor

Broj: 04-6430-6/13

Tuzla, 24.09.2013.god.

PREDSJEDNIK
UPRAVNOG ODBORA

Akademik prof.dr.sc. Enver Zerem